



REPUBLIKA E KOSOVËS
REPUBLIKA KOSOVA / REPUBLIC OF KOSOVA
KËSHILLI GJYQËSOR I KOSOVËS
SUDSKI SAVET KOSOVA / KOSOVO JUDICIAL COUNCIL

ZYRA PËR VLERËSIM DHE VERIFIKIM GJYQËSOR

R A P O R T

Rekrutimi i Gjyqtarëve / Shkurt 2023



Këshilli Gjyqësor i Kosovës, në mbështetje të nenit 108 të Kushtetutës së Republikës së Kosovës¹, Ligjit nr.06/L-055 për Këshillin Gjyqësor të Kosovës² dhe Rregullores nr. 03/2021 për Rekrutimin, Provimin, Emërimin dhe Riemërimin e Gjyqtarëve³, me datë: 15 korrik 2022 me vendim, KGJK.nr.325/22, ka shpallur konkursin për përmbushjen e tridhjetë e shtatë (37) pozitave të lira për gjyqtarë, niveli i Gjykatave Themelore, prej tyre shtatë (7) pozita të gjyqtarëve të rezervuara për komunitetin serb në Republikën e Kosovës.

Për këto pozita të shpallura, aplikacionet e tyre i kanë dorëzuar gjithsej pesëqind e trembëdhjetë (513) aplikacione nga të cilat katër aplikacione kanë qenë të njëjta, pra gjithsej kemi pasur në punë pesëqind e nëntë (509) kandidatë. Nga ky numër, pas shqyrtimit të aplikacioneve nga ana e Komisionit për Rekrutim janë refuzuar nëntëmbëdhjetë (19) aplikacione të kandidatëve, me arsyetimin se të njëjtit nuk i kanë plotësuar njërin apo më shumë kritere të përcaktuara me ligj dhe konkurs.

Nga numri i sipër cekur, pesë (5) kandidatë kanë paraqitur ankesë në Komisionin për Rishqyrtim dhe nga ky numër, Komisioni ka aprovuar dy (2) ankesa të kandidatëve dhe bazuar në këtë vendim, Komisioni për Rekrutim ka publikuar listën përfundimtare, me emrat e katërqind e nëntëdhjetë e dy (492) kandidatëve të cilët i kanë plotësuar kushtet formale që të vazhdojnë tutje procesin.

Në testin kualifikues të mbajtur në Akademinë Policore në Vushtrri nga numri i përgjithshëm prej katërqind e nëntëdhjetë e dy (492) kandidatëve me të drejtë pjesëmarrje, në test u paraqitën treqind e tetëdhjetë e dy (382) kandidatë. Nga numri i pjesëmarrësve në testin kualifikues dhe pas kontrollimit të testit në vazhdimësi (pa shkëputje) nga ana e Komisionit për Rekrutim, ka rezultuar se vetëm dyqind e gjashtëdhjetë e pese (265) kandidatë kanë kaluar me sukses testin kualifikues.

Nga njëqind e katër (104) të cilët nuk e kanë kaluar testin kualifikues tetëmbëdhjetë (18) kandidatë kanë ushtruar ankesë, pas shqyrtimit të ankesave me vendim Komisioni për Rishqyrtim ka refuzuar të gjitha ankesat.

Në testin me shkrim të mbajtur me datë 22 dhe 23 tetor kanë marrë pjesë dyqind e gjashtëdhjetë e pesë (265) kandidatë, nga ky numër pesëdhjetë e tetë (58) kandidatë e kanë kaluar testin me shkrim.

¹Neni 108, paragrafi 3, Kushtetuta e Republikës së Kosovës, “Këshilli Gjyqësor i Kosovës është përgjegjës për rekrutimin dhe propozimin e kandidatëve për emërim dhe riemërim për pozita Gjyqësore”.

² Neni 7, paragrafi 1, nën paragrafi 1.6 dhe 1.7, Ligji Nr. 06/L-055 për Këshillin Gjyqësor të Kosovës.

³ Rregullorja Nr. 03/2021 për Rekrutimin, Provimin, Emërimin dhe Riemërimin e Gjyqtarëve.

Komisioni për Rishqyrtim ka pranuar gjithsej dyzet e dy (42) ankesa të kandidatëve të pa kënaqur me rezultatin e tyre. Komisioni për Rishqyrtim ka refuzuar të gjitha ankesat si të pabazuara.

Komisioni Rekrutues ka ftuar në intervistë gjashtëdhjetë e dy (62) kandidatë, duke përfshirë këtu edhe kandidatët të cilët e kanë të përfunduar Programin Fillestar të Arsimit Lijor. Në intervistë janë paraqitur pesëdhjetë e katër (54) kandidatë sepse tetë (8) kandidatë kanë dhënë dorëheqje.

Fazat e procesit (tri faza):

- I. Testi Kualifikues, është mbajtur me datë 25 shtator 2022 në Akademinë e Kosovës për Siguri Publike dhe Zhvillim në Vushtri. Rezultatet e testit kualifikues, pas kontrollimit nga ana e Komisionit për Rekrutim pa shpallur janë shpallur me datë 26 shtator 2022 (pas mesnate).
- II. Testi me shkrim, është mbajtur me datë 22 tetor 2022, nga lëmia penale dhe me 23 tetor 2022, nga lëmia civile në Akademinë e Kosovës për Siguri Publike dhe Zhvillim në Vushtri. Rezultatet e testit me shkrim, pas kontrollimit nga ana e Komisionit për Rekrutim janë shpallur më datë 31 tetor 2022.
- III. Intervistat dhe si pjesë e saj eseja, kanë filluar të mbahen me datë 12 janar 2023 në KGJK Prishtinë, intervistës dhe eses i janë nënshtruar gjithsej pesëdhjetë e katër (54) kandidatë, tetë kandidatë nuk janë paraqitur në intervistë.

• Komisioni për Rekrutim në përbërje prej:

1. Albert Zogaj, kryesues i KGJK-së/kryetar i komisionit;
2. Enver Peci, kryetar i Gjykatës Supreme/anëtar i komisionit;
3. Drita Rexhaj, anëtare e KGJK-së/anëtare e komisionit;
4. Snežana Mihajlovic, gjyqtare në Gjykatën Themelore Gjilan/anëtare e komisionit
5. Fidan Hoxha, anëtar i KGJK-së/anëtar i komisionit;
6. Kadrije Goga Lubishtani, gjyqtare në Gjykatën e Apelit/anëtare rezervë e komisionit;
7. Arjeta Sadiku, anëtare e KGJK-së/anëtare rezervë e komisionit.

Komisioni për Rekrutim⁴ është përgjegjës për sigurimin e mbarëvajtjes së procedurës së rekrutimit, përzgjedhjes preliminare, vlerësimit, përpilimit dhe dërgimit të listës përfundimtare të kandidatëve në Këshill.

- Komisioni për Rishqyrtim në përbërje prej:
 1. Qërim Ademaj, anëtar i KGJK-së/kryetar i komisionit;
 2. Ragip Namani, gjyqtar në Gjykatën Supreme/anëtar i komisionit;
 3. Gani Avdiu, gjyqtar në Gjykatën e Apelit/anëtar i komisionit;
 4. Burim Shala, gjyqtar në Gjykatën e Apelit/anëtar rezervë i komisionit;
 5. Avni Mehmeti anëtar i KGJK-së/anëtar rezervë i komisionit.

Komisioni për Rishqyrtim⁵ është përgjegjës për shqyrtimin e ankesave të kandidatëve ndaj vendimeve të Komisionit për Rekrutim.

- Zyra për Vlerësim dhe Verifikim:

ZVV-ja në mbështetje të Komisioneve të Këshillit Gjyqësor të Kosovës, është përgjegjëse për zbatimin e drejtë të procesit të Vlerësimit dhe Verifikimit të kandidatëve⁶, duke përfshirë dhe siguruar bashkë me Komisionet përgjegjëse të Këshillit Gjyqësor, vlerësimin dhe verifikimin e informatave të siguruar nga kandidatët dhe burimet tjera, aftësitë, të arriturat profesionale, historikun e së kaluarës eventuale penale dhe masat disiplinore, aspektin financiar përmes kontrollimit të raporteve bankare, asetëve dhe pasurive të cilat i raportojnë dhe i dorëzojnë në formë fizike dhe elektronike kandidatët e të cilat po ashtu verifikohen nga ana e institucioneve relevante (Gjykata, Prokurori, Policia e Kosovës, ATK , Agjencia Kundër Korrupsion, Kadastër dhe ARBK).

Detyrë parësore e ZVV-së fillimisht është, të siguroj të dhënat për kandidatët, të cilët arrijnë të përmbushin kriteret e kërkuara (parapara) ligjore për pozitat përkatëse, në mënyrë që të lehtësoj punën e Komisioneve me qëllim që emërimet të bëhen mbi bazën e meritokracisë dhe trajtimit të barabartë dhe për kandidatët në garë më tutje, ka obligim që të shqyrtoj, analizoj, verifikoj të

⁴ Neni 5, [Komisioni për Rekrutim], Rregullorja Nr. 03/2021 për Rekrutimin, Provimin, Emërimin dhe Riemërimin e Gjyqtarëve.

⁵ Neni 6, [Komisioni për Rishqyrtim], Rregullorja Nr. 03/2021 për Rekrutimin, Provimin, Emërimin dhe Riemërimin e Gjyqtarëve.

⁶ Neni 23, [Procesi i verifikimit të integritetit personal dhe profesional të kandidatit], Rregullorja Nr. 03/2021 për Rekrutimin, Provimin, Emërimin dhe Riemërimin e Gjyqtarëve.

dhënat e raportuara, konfirmuara dhe në fund për Komisionin për Rekrutim të përpiloj Raport me shkrim lidhur me të gjeturat.

Aktivitetet e ZVV-së në ndihmë Komisioneve:

1. Përgatitja e planit të veprimit në koordinim dhe bashkëpunim me Komisionin për Rekrutim lidhur me mbarëvajtjen e procesit, i cili ndërlidhet me të tri fazat;
2. Kërkesat drejtuar institucioneve lidhur me informacionet specifike për kandidatët;
3. Ndihma profesionale dhe teknike Komisionit për Rekrutim dhe Komisionit për Rishqyrtim;
4. Përpilimin e vendimeve dhe njoftimeve lidhur me procesin në koordinim me Komisionet;
5. Mbajtja e kontakteve dhe korrespondencave sipas nevojë me institucione, kandidatë etj. në emër dhe për Këshillin dhe Komisionet e Këshillit Gjyqësor;
6. Përpilimin e Raportit përfundimtarë të procesit në tërësi, në koordinim dhe bashkëpunim të plotë me Komisionin për Rekrutim të KGJK-së.

Raporti i verifikimit dhe vlerësimit të kandidatit dhe Dosja e kandidatit, përgatiten në kronologji nga ana e zyrtarëve të caktuar të ZVV-së dhe të njëjtat i dorëzohen Komisionit për Rekrutim para fillimit të intervistës së kandidatit, në mënyrë që Komisioni të posedoj të gjitha informatat e nevojshme për vlerësim të drejtë dhe objektiv, duke poseduar të gjitha informatat e nevojshme lidhur me kandidatin.

Paraqitja tabelare dhe shpjegimi lidhur me procesin e rekrutimit:

➤ Tabela 1: Testi kualifikues.

Testi Kualifikues, data e mbajtjes 24 shtator 2022			
Faza e I-rë	Kandidatët e ftuar	Kandidatët pjesëmarrës	Gjithsejtë kanë kaluar
Testi Kualifikues	492 229 F dhe 263 M	382 175 F dhe 207 M	278 128 F 150 M

Shpjegim: Përpilimi i testit kualifikues ka filluar në orën 07:00 të datës 25 shtator 2022, në Akademinë Policore në Vushtrri, nga ana e Komisionit, stafit mbështetës dhe me prezencë të monitoruesve të procesit nga EULEX. Testi kualifikues ka filluar në ora 12:00 – 14:00. Komisioni për Rekrutim ka arritur që t'i kontrolloj testet e të gjithë kandidatëve pjesëmarrës në testin kualifikues, në afat kohor përafërsisht prej dhjetë (10) orësh pas përfundimit të testit kualifikues,

në vazhdimësi (ditës së mbajtjes së testit kualifikues dhe dy orët e ditës në vazhdim). Komisioni për Rekrutim ka shpallur rezultatet e testit kualifikues pa u larguar nga objekti i mbajtjes së testit. Pastaj ka pasuar procedura e ankimimit të kandidatëve të pakënaqur me rezultatin e tyre pranë Komisionit për Rishqyrtim. Pas shqyrtimit të ankesave të kandidatëve, rezultati ka përfunduar me numrin e sipër cekur prej (278) kandidatëve.

➤ Tabela 2: Testi me shkrim.

Testi me shkrim, data e mbajtjes 22 dhe 23 tetor 2022			
Faza e II-të	Kandidatët pjesëmarrës	Civile/Penale	Gjithsejtë kanë kaluar
Testi Me shkrim	265	265 121 F 144 M	58 22 F 36 M

Shpjegim: Përpilimi i detyrës penale ka filluar në orën 07:00 të datës 22.10.2022 në Akademinë Policore në Vushtri. Testimi nga detyra penale ka filluar në ora 11:00, të së njëjtës ditë. Ndërsa përpilimi i detyrës civile ka filluar në orën 07:00 të datës 23.10.2022, në sallën e Akademisë Policore. Testimi ka filluar të mbahet në ora 11:00, të së njëjtës ditë. Komisioni për Rekrutim ka arritur që ti kontrolloj testet me shkrim nga lëmia penale dhe civile e të gjithë kandidatëve pjesëmarrës, në një afat kohorë prej tetë (8) ditësh (njoftim i bërë nëpërmes web-faqes së \KGJK-së për shtyrjen e afatit të kontrollimit të testit) pas përfundimit të testimit dhe është publikuar lista me gjithsej pesëdhjetë e tetë (58) kandidatë të cilët e kanë kaluar testin me shkrim. Komisioni për Rishqyrtim ka pranuar gjithsej dyzet e katër (44) ankesa të paraqitura për rezultatin e arritur (publikuar). Pas përfundimit të procedurave të shqyrtimit të ankesave të kandidatëve, është publikuar rezultati i sipër cekur prej gjithsej pesëdhjetë e tetë (58) kandidatëve të cilët kanë fituar të drejtën për garën e mëtejme duke përfshirë kandidatë të cilët kanë kaluar testin me shkrim dhe katër (4) të cilët e kanë të përfunduar PFAL-in.

➤ Tabela 3: Intervista dhe eseja.

Intervista dhe eseja , fillimi i intervistave 12 mars 2022			
Faza e III-të	Kandidatët e ftuar në intervistë dhe ese	Kandidatët pjesëmarrës	Gjithsejtë kanë kaluar
Intervistat & ese	62	54	29 12 F 17 M

➤ Tabela 4: Tri fazat rekrutuese.

Testi Kualifikues, testi me shkrim dhe intervista. Gjithsej pjesëmarrës për tri fazat:			
Lloji i testit	Kandidat pjesëmarrës	Civile / Penale	Gjithsej kanë kaluar
Testi Kualifikues	382		(72.77%)
Testi me shkrim civile/penale	265	265/265	(21.89%)
Intervistat & ese	58 + 4 PFAL	62/54	29 (53.70%) 41.38% F (1 nga nacionaliteti boshnjake) 58.62% M (1 nga nacionaliteti turk)

➤ Tabela 5: Afatet kohore prej fillimit të testit kualifikues, me shkrim dhe intervistave - deri në rezultatin përfundimtarë të rezultateve të tyre (kontrollimit dhe shpalljes së rezultateve).

Fazat (I, II, III)	Fillimi i secilës fazë	Mbarimi i secilës fazë	Kohëzgjatja e përpilimit të testit, esesë dhe intervistës deri te mbajtja	Kohëzgjatja e kontrollimit (intervistimit) nga Komisioni për Rekrutim
Testi kualifikues	24/09/2022	25/09/2022	5 orë	11 orë
Testi me shkrim	22/10/2022 23/10/2022	22/10/2022 23/10/2022	4 orë 4 orë	8 ditë
Intervistat/eseja	12/01/2023	30/1/2023	30 min.	1 orë 8 orë

Shpjegim: Pas shpalljes së rezultateve lidhur me tri fazat nga ana e Komisionit për Rekrutim, duhet pasur në konsideratë se çdo herë ka rrjedhur procesi i ankimimit nga ana e kandidatëve të pakënaqur me rezultatin e arritur në testim e i cili çdo herë ka pasur impakt në zgjatjen e procesit dhe kalimit në fazën tjetër. Komisioni për Rekrutim, në çdo fazë ka mbetur në pritje të rezultateve të Komisionit për Rishqyrtim pas përfundimit të procedurës së ankimimit nga ana e kandidatëve të pakënaqur me rezultatin e publikuar (arritur).

Bashkangjitur raportit,

Në Kronologji kandidatët e listës përfundimtare, të rekomanduar në Këshill nga ana e Komisionit për Rekrutim: